

KERATAN AKHBAR

(Bahagian Canselor)

Surat khabar: Utusan Borneo (Tempatan)

Hari/Tarikh: 17/4/2016

Muka surat: 16

Tajuk : UNIMAS kerjasama dua hala dengan SK Bako



KERJASAMA: Kadim bersama tetamu melakukan simbolik mengecat dinding SK Bako pada Program UNIMAS 'Gives Back SK Bako' di Kuching semalam.

UNIMAS kerjasama dua hala dengan SK Bako

KUCHING: Persatuan Pengurus Universiti Malaysia Sarawak (UNIMAS) terus menjalankan program tanggungjawab sosial korporatnya dengan melaksanakan kerjasama dua hala dengan Sekolah Kebangsaan (SK) Bako menerusi 'UNIMAS Gives Back: SK Bako'.

Pelbagai aktiviti dijalankan membabitkan kelas bimbingan gamelan, melukis mural dan mengecat dinding sekolah.

Di samping itu, ceramah dan bengkel motivasi serta persembahan kebudayaan selain pertandingan melukis turut diadakan.

Difahamkan seramai 167 orang terdiri kakitangan dan pelajar UNIMAS terlibat secara langsung dalam program

selama empat hari itu bermula Rabu lalu.

PPU juga terlibat dalam melaksanakan projek CSR seluruh negara termasuk pelbagai bahagian dan daerah di Sarawak, Terengganu, Kelantan dan Perlis.

Untuk tahun ini, PPU mengenal pasti lima buah sekolah di kawasan Bako dan Matu Daro bagi menjalankan aktiviti sama di bawah program CSR.

Sementara itu, kerjasama UNIMAS dan SK Bako itu ternyata menggamit nilai-nilai sentimental lebih 50 tahun lalu bagi Naib Canselor UNIMAS, Profesor Datuk Dr Mohamad Kadim Suaidi.

Beliau merupakan anak jati kelahiran Kampung Bako yang mendapat pendidikan

awal di SK Bako berasa terharu dan gembira kerana dapat berbakti semula kepada sekolah lamanya.

"Ini merupakan detik bersejarah menjelak semula kaki ke sekolah ini setelah 50 tahun," katanya pada Program UNIMAS 'Gives Back SK Bako' di SK Bako di sini semalam.

Hadir sama Guru Besar SK Bako Awang Majri Awang Rosli, Penghulu Kampung Bako, Sali Othman dan Ketua Kaum Kampung Bako Hilir, Wahid Sani.

Dalam pada itu, beliau turut menyempurnakan penyampaian sumbangan jaket keselamatan oleh Yayasan Suaidi dan Halimah kepada Koperasi Wawasan Kampung Bako yang diwakili timbalan pengurusnya, Sabhi Joni.